

QUAND SERUM GIUIN

**Q.S.G. l'era töt un'olter viv,
minga inquinaa, senza frecass,
püsee qualiv,
gherum nùma la bicicleteta,
e sèrum tücc cuntent
andàum in gir a la sira
stàum mai dedent;
mangiaum, beveum e ndàum a spass,
senza brüsur de stumich,
digerium anca i sass.
Adess l'è cambiaa i temp,
pudèsum fa de töt,
ma ghem de filà drez,
per via de la salöt.
Q.S.G töt i sàbet sira,
i balaven sü al Cruton,
mazürka, tanghi u valzer,
per nün l'era töt bon
cercàum na quei vüna
che forsi la ghe stava,
u biunda u rusa u mora,
basta che la fiadàva.
Quei volt bàlum amò nca dess,
fem anca na quei festa,
però pitost despess**

me vee a durè la testa.

Magari l'è negöt,

upür l'è un quei malann,

no. l'è che sü ndi spal,

ghe pasaa sü n poo de ann.

Q.S.G. scia suta carnevè

Se fava anca i festin,

dent in di cà privaa,

a mangià, balà e bev vin,

pö ura de matina,

qund sèrum urmai scia cot,

quei volt tacàum lit,

se dàum anca bot,

ma l'era bel instes

perché dopu la ratasàda,

se tràum la tücc insèma

e finium cun na cantada.

Dess semm un poo sufistic,

ghe demm più trà a nisün,

se la ciàpum cul temp, cul prèved e anca cul cumün.

Eh quand sèrum giuin, quand sèrum giuin.....

Ma nün semm minga vecc,

se nùma n poo anziàn,

na volta ghèrum i denc

e ghèrum minga el pan;

pö em guadagnaa un quei ghel

e se l'em tegnüu bel strenc,
ma adess che ghem el pan,
sem restaa senza i denc,
e prègum el Signur,
l'üu che l'è sempri bon
de dam tanta salüt,
ma anca la pension,
e ghem de vess cuntent,
se fina incöö ghe sem,,
cerchem de tira innanz,
pö dopu vedarem;
ma fem un bel mestee,
prima de ndà via,
dèmes apuntament a l'an che vee,
per n'oltra festa in cumpagnia.
La storia l'è finida,
ma prima de bat i man,
lèvum sü tücc in pee
e vùsum: **W I ANZIAN!**

E.D. 2009